

www.BibleForChildren.org

Mathai 26



Cäqengja te Pawi tyng
hethang käni tärutä
ngai saite kätü-a, Isu lä
Bethani vang-a tyng pa dy.
Honi vang-a dü te üng Isu ma
mäning haile tyng saite Lazarae
lä awng by.




Tukha Maeri lä
äväng ting phi saite rimui
pilangtä süng kha ly pa.
Honi rimui lä nadu näsaite
üng sa te vi. Isu üng äkho-a
honi rimui tui kälo kha äma üng
äsang hai mai pa vi. Honi rimui tui
üng ämui lä engthung khaw-a awng saite
khimi angxynlyng na thai pa vi dy.



Tupyng-a äkähui lawng hawlai netä na thung üng
Judae Iskriota lä Isu bung a hethang phüng aedüng he
mäthykung käleng na tea ly pa dy.

Äni ce lä hini phüng thai kha
tengxyng y kawngphi te hai
ma Judae tea tangkae py
hethang älo aedo pa ö dy.

Tukätephüng-a
Judae lä Isu bung
a hethang älang
kähawi
mäqang
pa dy.



Isu ma thui te kätyng äkähui na lä
Cäqengja te pawü üng kädüngbö
tähang sa rüng pa dy. Isu hai äkähui
na lä kädüngbö ca ö te thüng-a Isu lä
täkaw la kha Säthaw tea kawng te lo
thui pa dy. Tupyng-a täkaw tea täpe
kha äkähui na tea "Hini täkaw lä kai
üng ätabung vi. La kha ca ö" näkha
äni ce tea py pa dy.



Tupyng-a cäpje tui bynglyng tea
la kha Säthaw tea bälaw pyng-a
äni ce tähang py pa be dy. Äni ma
"Nang ce angxynlyng na hini
bynglyng nei ö. Hini cäpje tui lä
awng mang saite khimi na üng
hunghö tähang bälawng te kai üng
äthi vi. Hini äthi lä Säthaw hai khimi
ce säla-a aenai saite vi."



“Simon, Simon, caw aelai te kätyng nang ce tea käny hethang Setan angra lä Säthaw tea mä kai pyng te vi dy. Tungaila nang üng yng saite pra y hethang kai lä aetang pa dy. Kai tea nang ae-y haile te kätü-a lä nang ma ce üng kangby jä-ai na tea aethaw py haile tyng pa jo” näpa.



Tungaila Peterae ma Isu tea "Areng ä, kai lä nang hai mangtä thawng thung-a läsy, dü tea läsy ly hethang awng rüng te vi dy" näpa. Isu ma "Peterae ä, tängai khü. Nang lä vaikhawng kädang aekhawng y te käläng-a 'Hini khimi bung kai mäny y' näkha qengthungtä kai tea aephae vi ai" näpa.



Isu hai äkähui na lä
Kesamani ämüng awng
saite angkhaw haetä-a ly
ö dy. Isu lä äkähui na tea
"Kai lä ho-a aetang te
thüng-a nang ce lä hini
mityng-a aety ö ba" näkha
täru pa dy.



Isu ma "Ä-ai ä, nang lä äte
angxynlyng na tea sa haw
te kae. Hini mätangbälai
saite kai aeting y
hethang säbawng kü jo.
Tungaila kai üng ngai te
kätyng hang sy. Nang ma
üng ngai te kätyng kae sy
ba" näkha aetang pa dy.



Judae Iskriota lä honi mityng-a ly kha mäthykung
käleng na hai Pharisai na ma mätaw saite Rom reiseae
phütä na hai, Säthaw üng Inγκäcai-a rui saite
reiseae na bung nähai pa ö dy. Äni ce lä
maibung maito hai aetu aekei na süng
kha ly ö dy. Tukha äni ce thung üng
lawngtä ma mäthykung
kälengky üng mawsawng üng
känawkhing tea sai kha
bangtang mang lä aelybae
pa vi dy. Tungaila Isu ma
äkähui tea "Tukä tangtä lä hawi
dy" näpa kha äni üng
känawkhing tea hawi sa haile
tyng pa vi dy.



Äni ce lä Isu bung ne ea mäthykung kälengky üng ing-a
nähai kha mäkung pa vi dy. Tungaila Peterae lä
kähanglaw mang hui pa te vi. Khimi ce lä leikung-a
maiti kha aekäcö ea
mangtä aety ö qu te
kätü-a Peterae lä äni
ce hai aety te by vi.



Mäthykung kälengky üng
mawsawng lawngtä ma
“Kai lä nang bung Isu
hai mangtä angkhaw
thung-a nung vai te vi”
näpa. Honi mawsawng lä
Peterae ma känawkhing-a
aekei hai saibawng saite khimi
üng äpy äjae by vi. Peterae lä
aephae haile pa vi. Honi
tänaetä-a ma ae lä khawng raw
pa vi dy. Peterae lä äma sa saite
mäny va te kätü-a lä, äni lä tho
kha bälung aekhy te hai ma
rawsö kae vi dy.




Tupyng-a aekäcö saite khimi
mätawngky angxynlyng na lä aetha
ea Isu bung Rom Mätawngky Pilata
tea nähai ö pa vi dy. Tukätephüng-a
Mätawngky Pilata ma Isu tea "Nang lä
Judae na üng
sanphrang vi nang mei"
näkha düng pa. Tukha Isu
ma "Nang ma thui te kätyng
kae dy" näkha mäthang pa dy.



Pilata ma lä Isu bung bälawi hethang
ngai hai te phüng-a äni ce tea älo thui
haile pa be dy. Tungaila äni ce lä a
kha "Äni bung lä thinglang qawng-a
täheng kha bädü la. Äni bung
lä thinglang qawng-a
täheng kha bädü
la" näkha näpa.




Kangkhüng-a Pilata ma Isu bung
thinglang qawng-a täheng kha bädü
hethang reissae na üng kö thung-a a pa
dy. Tukha reissae na lä Isu bung nähai ö
dy. Isu lä Älökorö näsaite mityng-a ly
kha äma üng thinglang hai aepö dy.
Honi mityng tea Hebärai lo hai
"Kolakota" näkha näpa.



Honi mityng-a, Isu bung thinglang
qawng-a täheng pa dy. Isu hai mangtä
khimi käläng lawng netä bung la
täheng hawi pa by. Isu bung lä
äsäla-a khai pa.



Käni anghung kätü üng hai naeri thungtä tingtang
Isrelae pre lä ving kha käni kaevang lä la pa vi dy.
Tukha Inγκäcai üng jaeky saite känih käsa lä
ä-ungtang-a aesä-ei phung pa vi dy.
Tudylä Isu lä ätüng käleng hai
hang rang kha "Üngai ä, Nang
tea Kai üng Muilaw bung
Kang a dy" näkha
dü pa vi dy.



Kädüŋ mang-a lä Arimathia märü üng
Josefae lä tyng pa dy. Josefae lä
Sanhendrin kawngci thung
üŋ khimi lawngtä vi. Khimi
ce ma äni tea lä tämö
khai ö bäräi vi. Äni lä
Säthaw üng pre
pyng saite tea
aedawng rüŋ
saite

khimi vi. Äni lä ri y te
hai ma Pilata tea
ly kha Isu üng äro
bung mäkäi dy.



Josefae lä libyng kanglung rang kha
Isu ro bung thinglang qawng üng
bäla ea honi libyng kanglung
hai save pa dy. Honi pyng-a
kälung tea täko saite
täprawng thung-a Isu
bung ö kha täprawng
äkhaw tea lä kälung
käleng hai qeng
pa vi dy.



Aerü rüing te käni pyng-a Aehae saite
käni tyng ea, mäthykung käleng
na hai Pharisai na lä
Pilata tea ly ö dy. Äni ce
ma "Inkung ä, honi
khimi kaeling lä hing
te thüing-a 'Kai lä
ämäthung käni
aetha haile vi ai'
näkha
näte


kai ce lä
sämai jaw ö te vi."



Tukha äni ce lä täprawng-a ly ea ämi
ma lä Isu üng äro bung
bäru y hethang reisa
na tea cawng hai pa
ö dy. Äni ce lä kälung
tea äsäny na
sa pa dy.



Aehae te Käni pyng-a, käni säritä üng
angcü üng käni kädang thawde khö
aevang y te kätü-a Makadala
märü üng Maeri hai
äkäläng Maeri lä Isu üng
täprawng-a ly ö dy.
Honi kätü-a aethaw
awng saite
pangtälü tähüng
pa vi.



Säthaw üng angtawtha lä käni mang
üng cäqa kha täprawng khaw üng
kälung käleng lä aethuija ea
honi kälung qawng-a aety
kha awng pa dy.

Täprawng rui saite
reisae na lä äni tea
tengxyng y ri phi te
phüng-a aethüng
kha

älawng qawng-a
aetüng ö vi dy. Äni
ce lä aetae y käla
khimi kädü hai
aetawng ö vi dy.



Säthaw üng angkawtha lawngtä ma
nawngmädi na tea "Ri ö hang.
Nang ce lä thinglang qawng-a
täheng kha bädü saite Isu
bung mäqang ö te kai lä
mäny dy. Isu lä hini
mityng-a awng y dy."



"Äma thui te kätyng Säthaw ma kädü
thung üng mätha haile vi dy.
Äni üng äro bung bäsawng
saite mityng kheng ö kae-e."




Honi nawngmädi na lä täprawng üng tho
ö dawde vi dy. Nawngmädi na lä ri
ngaila tengxyng y kawng
anghawtho te hai äkähui na
tea honi anghang thui
hethang aehui ö dy.



Qengtäma Isu lä äni ce tea aeting kha
"Nang ce lä awneng te awng
sy" näkha näpa. Äni ce lä Isu
üng äkho-a tåkawi kha
cäphaw pa ö dy.





Tupyng-a äkähui lawng hawlai haetä na lä bö ca ö te thüng-a Isu lä äni ce tea aetüng pa dy. Äni ce lä yng ö y te phüng-a hai Isu lä kädü thung üng aetha pyng-a äni bung nung saite khimi na üng älo na tea yng haw y rung khytä bälung tangkö ö te phüng-a Isu ma äni ce tea pring pa dy. Areng Isu lä hokä äkähui na tea thui pyng dylä, Säthaw ma äni bung Känipre mang-a nähaija pa vi dy. Tukha Isu lä Säthaw üng bangtang mang-a aety pa vi dy.



Säthaw lä älawng khimi ce tea bälung
aevaw te phüng-a Äcäpaw lawngtä
xyng bung py vi. Äcäpaw tea yng
saite khimi angxynlyng na lä
muilaw dü y käla dungtäsa
hing te dang vi.



Rom 3:23 Khimi qütä lä hunghö sa kha Säthaw üng
phung-ang hai hanglaw ö vi dy.

Rom 6:23 Hunghö sa saite üng ävang lä dü saite kae.
Säthaw üng py saite lasawng lä mä-ai üng Areng Isu
Khrista hai bungtä-a dungtäsa hing saite vi.

Hebrai 9:27 Khimi qütä lä qengtä dü hethang kae kha honi
pyng-a Säthaw ma äni ce tea tärae cei vi ai.

Ephesi 2:8,9 Khrista tea yng te phüng-a äma üng bäheng
saite hai-a, Säthaw ma nang ce bung aeqang vi dy. Nang
ce üng aethawsa saite phüng-a, äni lä nang ce bung
aeqang te y. Äni lä nang ce bung äjawng-a aeqang te vi.
Nang ce ma kähawi sa phüng-a, Säthaw lä nang ce bung
aeqang te y lyng. Tukätephüng-a ämi la aethaw
haw y lyng.



Rom 10:9,10 Nang üng täbawng hai-a, "Isu lä Areng vi"
näkha thui ea Säthaw lä äni bung dü saite thung üng
mäning haile te vi näte tea nang ce üng bälung thung-a yng
dylä, Säthaw lä nang ce tea aeqang vi ai. Ätephüng-a mei
nädylä mä-ai üng bälung thung-a yng saite hai-a Säthaw lä
mä-ai tea khimi kácüng na-a mäthi ai. Mä-ai lä yng saite
phüng thui dylä, Säthaw lä mä-ai bung aeqang vi ai.

Johan 3:16,17 Säthaw lä älawng khimi ce tea bälung
aevaw te phüng-a Äcäpaw lawngtä xyng bung py vi.
Äcäpaw tea yng saite khimi angxynlyng na lä muilaw dü y
käla dungtäsa hing te dang vi. Säthaw lä khimi ce tea
dengpy hethang Äcäpaw bung älawng qawng-a mätaw te
y. Älawng üng khimi na bung Äcäpaw hai aeqang hethang
tähang-a mätaw te kae vi.



1 Johan 5:11-13 Hini lä Säthaw ma thui khe saite anghang vi. Säthaw lä mä-ai tea dungtäsa hing saite py vi dy. Honi hing saite lä Äcäpaw hai-a dang haw te kae. Säthaw üng Cäpaw hai bungtä awng saite khimi lä dungtäsa kähing dang te vi dy. Äcäpaw hai bungtä awng y saite khimi lä dungtäsa kähing dang y lyng. Säthaw üng Cäpaw tea yng saite nang ce tähang kai lä hini cae na hai tärü te vi dy. Tukätephüng-a nang ce lä dungtäsa kähing dang näte tea mäny khü ö hethang vi.



Mathai 26-28; Luka 22-24; Johan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Eastern Khumi Chin NT (cek) © 2017, Bible Society of
Myanmar and Wycliffe Bible Translators, Inc

<https://live.bible.is/bible/CEKCLKC/MAT/1>

©2026 Bible for Children, Inc.

www.M1914.org

www.bibleforchildren.org

